

XX SAVONA, Sabata Ptol. lib. 3. cap. 1. etiam vulgò *Sauona*. *Montani* Savonæ Episcopi meminit Gregorius magnus epist. 22. lib. 9. indict. 4.

anno 590. h. 65. Pont.

RHÆTIA PRIMA.

CVRIA Antonino in Itinerario, vulgò *Chur*, & Italis *Corra*. *Asmo* huius Episcopus subscripsit epistolæ Eusebij Mediolanensis ad Leonem Papam.

RHÆTIA SECUNDA.

AVGVSTA VINDELICORVM Ptolem. lib. 3. cap. 1. vulgò *Ausburg*. Huius Episcopus *Euthasius* subscripsit epistolæ Eusebij Mediolanensis ad Leonem Papam, & *Iocundus* Synodo Romanæ tertiæ sub Symmacho.

RATISPONA, *Regium* Antonino, & libro Notitiarum *Castra-regina*, vulgò *Regensburg*. *Paulinus* huius Episcopus legitur temporibus Zenonis Imperatoris & Clodouei Regis Francorum apud rerum Germanicarum scriptores.

QVINTANÆ Antonino in Itinerario, Quintanum Optato lib. 1. qui ibidem meminit *Zotici* Episcopi à Quintano.

PROVINCIA RAVENNENSIS.

FLAMINIA.

RAVENNA, inquit Zosimus lib. 5. Metropolis est Flaminiae, vrbs sanè antiqua, Thessalorum colonia, Rene dicta, quod eam aquæ ab omni parte circumfluant: non verò inde, vt Olympiodorus Thebanus ait, quod Remus Romuli frater, huius vrbs conditor fuerit, vulgò etiam *Rauenna* dicitur. *Petrus* huius Episcopus subscripsit Concilio Romano sub Symmacho: Diuusque Gregorius scripsit epistolam 37. lib. 3. indict. 12. ad *Ioannem* Episcopum Rauennensem, & epist. 50. lib. 7. indict. 2. ad *Marinianum* eiusdem ciuitatis Episcopum.

SARSINA Straboni lib. 5. vulgò etiam *Sarsina*. *Donatus* huius Episcopus subscripsit Concilio Lateranensi sub Martino.

CÆSENA Ptol. lib. 3. c. 1. vulgò etiam *Cesena*. *Florianus* huius Episcopus legitur apud Optatum lib. 1.

FORVM POPVLI, seu Forum Popilij Plin. lib. 3. cap. 15. *Stephanus* huius Episcopus adfuit & subscripsit Concilio Lateranensi sub Martino.

FICOCLÆ Anastasio in vita Theodori, vulgò *Cervia*. *Bonus* huius Episcopus subscripsit Concilio Lateranensi sub Martino.

FORVM LIVII Plinio lib. 3. cap. 15. vulgò *Forli*. Quibusdam vrbs antiqua Episcopalis, tamen huius Episcopum non legi ante *Vincentium*, qui epistolæ Concilij Romani sub Agathone subscripsit.

FAVENTIA Ptol. lib. 3. cap. 1. hodie *Faenza*. *Constantij* huius Episcopi meminit Optatus lib. 1. & *Iustus* Faentinus subscripsit Concilio Romano sub Hilario.

FORVM CORNELII Ptol. lib. 3. cap. 1. vulgò *Imola*. *Constantius* huius